

略辨大乘入道四行觀 達摩二入四行觀 科判

菩提達磨大師 著作 本文版本 已新續藏第 63 冊 No. 1217 （仿宋字體為其他版本與出處）

釋道淨 擬科整理校對 20240805 3 稿 微信 qq 973451196 禁止商用篡改 法律責任必究

科判			正文				
甲一標名			略辨大乘入道四行觀				
甲二作者			菩提達磨大師				
全文分三	甲三正文分二	乙一總說		夫入道多途，要而言之，不出二種：一是理入，二是行入。			
		丙一正見理入	理入者：謂藉教悟宗。 深信含生同一真性，但為客塵妄想所覆，不能顯了。 若也舍妄歸真，凝住壁觀，無自無他，凡聖等一，堅住不移，更不隨文教，此即與理冥符。無有分別，寂然無為，名之理入。				
			丁一總說	行入謂四行，其餘諸行悉入此中。 何等四耶？一報冤行，二隨緣行，三無所求行，四稱法行。			
				戊一前行基礎遠離粗大執著分三	己一受苦時知因果故報冤行	云何報冤行？謂修道行人，若受苦時，當自念言：我往昔無數劫中，棄本從末，流浪諸有，多起冤憎，違害無限，今雖無犯，是我（皆）宿殃，惡業果熟。非天非人所能見與，甘心甘受都無冤訴。經雲：逢苦不憂。何以故？識達故。此心生時與理相應，體冤進道，故說言報冤行。	
		己二得樂時知緣起故隨緣行	二隨緣行者：眾生無我，並緣業所轉，苦樂齊受，皆從緣生。若得勝報榮譽等事，是我過去宿因所感，今方得之，緣盡還無，何喜之有？得失從緣，心無增減。喜風不動，冥順於道。是故說言隨緣行。				
		己三有求時知皆苦故無所求行	三無所求行者：世人長迷，處處貪著，名之為求。智者悟真，理將俗反，安心無為，形隨運轉，萬有斯空，無所願樂。功德黑暗，常相隨逐。三界久居，猶如火宅，有身皆苦，誰得而安？了達此處，故舍諸有，止（息）想無求。經曰：有求皆苦，無求即（乃）樂。判知無求，真為道行，故言無所求行。				
		戊二正行六度三輪體空稱法行道分四	己一稱性淨空理之法而行		四稱法行者：性淨之理，目之為法。（信解）此理，眾相斯空，無染無著，無此無彼。經曰：法無眾生，離眾生垢故；法無有我，離我垢故。智者若能，信解此理，應當稱法而行。		
			己二以檀施波羅蜜為例自他二利	法體無慳，（於）身命財行檀舍施，心無慳（吝）惜。脫解（達解）三空，不倚不著。但為去垢，稱化眾生，而不取相。此為自行，復能利他，亦能莊嚴菩提之道。			
			己三餘五度亦然	檀施既爾，餘五亦然。			
			己四三輪體空之稱法行	為除妄想，修行六度，而無所行，是為稱法行。（說偈言： “外息諸緣，內心無喘，心如牆壁，可以入道。明佛心宗，等無差誤，行解相應，名之曰祖。”——大正藏第 48 冊 No. 2009 少室六門）			
				達磨大師四行觀終			
		（別記雲：師初居少林寺九年，為二祖說法，只教曰： “外息諸緣，內心無喘，心如牆壁，可以入道。” 慧可種種說心性理，道未契。師只遮其非，不為說無念心體。 慧可曰：“我已息諸緣。”師曰：“莫不成斷滅去否？” 可曰：“不成斷滅。”師曰：“何以驗之雲不斷滅？” 可曰：“了了常知故，言之不可及。”師曰：“此是諸佛所傳心體，更勿疑也。” ——大正藏第 51 冊 No. 2076 景德傳燈錄）					